



საქართველო
ქალაქ ფოთის მუნიციპალიტეტის
საკრებულოს აპარატის უფროსის,
საკონკურსო კომისიის თავმჯდომარის
ბრძანება №1



ქალაქ ფოთის მუნიციპალიტეტი

22 თებერვალი 2018 წელი

ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე ღია კონკურსის გამოცხადებასთან დაკავშირებით საკონკურსო კომისიის შემადგენლობის განსაზღვრისა და გასატარებელი ღონისძიებების შესახებ

„საჯარო სამსახურის შესახებ“ საქართველოს კანონის 35-ე მუხლის პირველი პუნქტის, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-6 მუხლის პირველი პუნქტის შესაბამისად, საჯარო დაწესებულება მოხელის ვაკანტური თანამდებობის დასაკავებლად კონკურსს აცხადებს სსიპ საჯარო სამსახურის ბიუროს მიერ ადმინისტრირებული ვებგვერდის მეშვეობით.

„საჯარო სამსახურის შესახებ“ საქართველოს კანონის 126¹-ე მუხლის პირველი და მე-5 პუნქტების შესაბამისად, გარდამავალ პერიოდში (2017 წლის 1 ივლისიდან 2018 წლის 31 დეკემბრამდე) საჯარო დაწესებულება უფლებამოსილია პირველი, მეორე და მესამე რანგების ვაკანტური თანამდებობების დასაკავებლად გამოაცხადოს ღია კონკურსი ამ კანონით დადგენილი წესით.

„საჯარო სამსახურის შესახებ“ საქართველოს კანონის მე-13 მუხლის შესაბამისად, საქართველოს ყველა მოქალაქისათვის უზრუნველყოფილი უნდა იყოს საჯარო სამსახურში შესვლის თანაბარი შესაძლებლობა, მათი უნარის, კვალიფიკაციისა და პროფესიული მომზადების შესაბამისად. ამდენად, ქალაქ ფოთის მუნიციპალიტეტის საკრებულოს თავმჯდომარის ბრძანებით საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე გამოცხადდა ღია კონკურსი.

„საჯარო სამსახურის შესახებ“ საქართველოს კანონის 37-ე მუხლის პირველი პუნქტის, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-14 მუხლის პირველი და მე-2 პუნქტების შესაბამისად, კონკურსის ჩატარების უზრუნველსაყოფად საჯარო დაწესებულებაში იქმნება შესაბამისი კომისია. კომისია იქმნება საჯარო დაწესებულების ხელმძღვანელის მიერ განსაზღვრულ ვაკანტურ პოზიციებზე კანდიდატთა შერჩევის მიზნით. საჯარო დაწესებულების ხელმძღვანელი კომისიის თავმჯდომარედ ნიშნავს ამ საჯარო დაწესებულებაში პირველი ან მე-2 რანგის პროფესიულ საჯარო მოხელეს. ამდენად, ქალაქ ფოთის მუნიციპალიტეტის საკრებულოს თავმჯდომარის ბრძანებით შეიქმნა საკონკურსო კომისია და კომისიის თავმჯდომარედ დაინიშნა საკრებულოს აპარატის პირველადი სტრუქტურული ერთეულის ხელმძღვანელი (პირველი რანგი) - საკრებულოს აპარატის უფროსი ლელა ჩიჩუა.

„საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-15 მუხლის შესაბამისად, კომისიის წევრთა რაოდენობასა და შემადგენლობას განსაზღვრავს კომისიის თავმჯდომარე

აუცილებელი საჭიროების გათვალისწინებით, ვაკანტური თანამდებობის სპეციფიკიდან გამომდინარე, კომისიის შემადგენლობაში შედიან შესაბამისი საჯარო დაწესებულების ადამიანური რესურსების მართვის ერთეულის წარმომადგენელი, საჯარო დაწესებულების იმ სტრუქტურული ერთეულის წარმომადგენელი, რომელშიც არის შესაბამისი ვაკანტური თანამდებობა, მოხელეთა დარგობრივი პროფესიული კავშირის (მისი არსებობის შემთხვევაში) წარმომადგენელი და დამოუკიდებელი მოწვეული სპეციალისტი ან/და შესაბამისი დარგის სპეციალისტი, რომელიც სამსახურებრივად დაკავშირებული არ არის ამ საჯარო დაწესებულებასთან. კომისიის საქმიანობაში, კომისიის თავმჯდომარის გადაწყვეტილებით, ხმის უფლების გარეშე, შესაძლებელია ჩაერთოს საჯარო დაწესებულების გენდერზე პასუხისმგებელი პირი. ამდენად, ქალაქ ფოთის მუნიციპალიტეტის საკრებულოს თავმჯდომარის ბრძანებით, ზემოხსენებული მოთხოვნების გათვალისწინებით ქალაქ ფოთის მუნიციპალიტეტის საკრებულოს აპარატის პირველადი სტრუქტურული ერთეულის ხელმძღვანელს (პირველი რანგი)- საკრებულოს აპარატის უფროსს, საკონკურსო კომისიის თავმჯდომარეს ლელა ჩიჩუას დაევალა ბრძანებით განსაზღვროს საკონკურსო კომისიის შემადგენლობა.

ყოველივე ზემოაღნიშნულიდან გამომდინარე, ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე ღია კონკურსის გამოცხადებასთან დაკავშირებით უნდა გატარდეს საქართველოს კანონმდებლობით დადგენილი ღონისძიებები.

აღნიშნულიდან გამომდინარე ვ ბ რ ძ ა ნ ე ბ:

მუხლი 1.

1. ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე კონკურსის გამოცხადებასთან დაკავშირებით განისაზღვროს საკონკურსო კომისიის შემადგენლობა:

ა) ქალაქ ფოთის მუნიციპალიტეტის საკრებულოს აპარატის პირველადი სტრუქტურული ერთეულის ხელმძღვანელი (პირველი რანგი)- საკრებულოს აპარატის უფროსი ლელა ჩიჩუა-კომისიის თავმჯდომარე;

ბ) ქალაქ ფოთის მუნიციპალიტეტის საკრებულოს აპარატის საქმისწარმოების განყოფილების (საჯარო დაწესებულების ადამიანური რესურსების მართვის ერთეული) უფროსი თეონა ახალაია-კომისიის თავმჯდომარის მოადგილე;

გ) ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების უფროსი რუსუდან ხარბედია -კომისიის წევრი;

დ) საქართველოს პროფესიული კავშირების გაერთიანების ფოთის ოფისის წარმომადგენელი, ინგა გვასალია-კომისიის წევრი;

ე) დამოუკიდებელი მოწვეული სპეციალისტი- საქართველოს ადვოკატთა ასოციაციის წევრი, ადვოკატი, ანნა ბერია- კომისიის წევრი.

2. საკონკურსო კომისიის საქმიანობაში მონაწილეობა მიიღოს ქალაქ ფოთის მუნიციპალიტეტის საკრებულოს სპეციალისტმა (შრომითი ხელშეკრულებით დასაქმებული პირი- გენდერული თანასწორობისა და ადგილობრივი დონეზე ახალგაზრდული პოლიტიკის განვითარების ხელშეწყობის საკითხებში) ეკატერინე ფაჩულიამ ხმის უფლების გარეშე.

3. ქალაქ ფოთის მუნიციპალიტეტის საკრებულოს აპარატის საკონკურსო კომისიამ განახორციელოს „საჯარო სამსახურის შესახებ“ საქართველოს კანონით, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204

დადგენილებით, ქალაქ ფოთის მუნიციპალიტეტის საკრებულოს თავმჯდომარის 2018 წლის 22 თებერვლის N45 ბრძანებით და მოქმედი სამართლებრივი აქტებით დადგენილი ღონისძიებები.

მუხლი 2.

1. „ადგილობრივი თვითმმართველობის კოდექსის“ საქართველოს ორგანული კანონის 62-ე მუხლის, საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

2. ბრძანება ძალაშია 2018 წლის 22 თებერვლიდან.

საკრებულოს აპარატის უფროსი,
საკონკურსო კომისიის თავმჯდომარე



ლელა ჩიჩუა

შემსრულებელი:

იურიდიული განყოფილება,
საქმისწარმოების განყოფილება.